

WAR AR SUKR

c. 4.193

SON' PAOTRED AR SUKR

- Paotred ar sukr, kanomp eur zon,
Tran-la-di-re-no.
Evit laouennat hor c'halon.
Tran-la-di-ra-lon-la
Tran-la-di-re-no
- War an ton koz, an-ton breizad
A ganet d'ober boutou-koad.
- Ar boutaouer ne deue morse
Da denma sukr diwar bette.
- Ni, pa'z omp deut pell diouz hor br
Kasomp hol labour mat endro.
- Ma tiskouezimp d'al lakizien
Piou ar gwella devezourien.
- Ma lavarint : Ar Vretoned
Par d'ezo e Bro-c'hall n'eus ket.
- Aman betek ar bloas nevez
Hor bo gwelloc'h gounidegez.
- Ha gwerz ar butun eun toullad
Ma labouromp hep wigourat.
- Ma tec'homp diouz ar bistroiou
E vezoo leun hor godellou.
- Pa'z aimp da vare ar pellgent
D'ar gear da welet hor c'herent.
- Ha da gas d'ar vugaligou
E sukr, a bep seurt madigou.

I2 - Hag e lavaro Marijan
Lakomp ar c'hafe war an tan.

I3 - Hag ar re goz a lavaro
Greomp d'ezan eun tammig friko.

Paotr Tréouré

4194 KANTIK PAOTRED AR SUKR

Ton : Rumengol

DISKAN: Introun Varia Greizker

Goude chench bro ha chench micher
Ar gwir Vreizad a zalo'ho mat
d'Ho pedi, d'Ho trugarekat

I - Gwerchez Venniget, en hor Breiz
kerkent ma teuas d'eomp ar feiz,
C'houi gant an holl zc bet karet
Dre ma zoc-h Mamm salver ar bed.

2 - Hon tadou koz en hoc-h enor
E kerne, Leon ha Tregor
A zavas stank war o meaziou
Ilizou kaer ha chapeliou.

3 - Eveldo ni, Gwerc'hez santel
E peb parrez a Vreiz-Izel
Dreist holl en dro da dour Kreisker
A oar enori hor Mamm ger.

4 - Gwelet hon eus en Aviel
Jezuz ho Mal araok marvel
O taoler d'eomp e gomz estlam :
" Va bugale, steu ho mamm "

5 - Ia, choui zo Mamm ar Gristenien
Karget d'hon harpa, d'hon difenn
E kemen leac'h, e kement bro
Betez an eur euz ar maro.

6 - Ni o divroet, O Mamm vat
Deuz euz a Vreiz da labourat
Oh, mirit d'ezomp aberz Doue
Yerc'hed ar c'horf hag en ene.

7 - Yec'hed ha nerz atao zo ret
D'ober al labour a zo dleet
Ha petra raimp evit an nénv
Ma ne jomonp e gras Doue.

8 - Ho pennoz iveauz Mamm Zantel
D'hon tad a jom e Breiz-Izel
Da gas al labouriou en dro,
Betez ma vezimp-ni distro.

GWERZ AR PURKATOR

C - 37/6
Klemmou an Anaon

I - Allaz ! ne oufe den kempreñ
Pegen estlamm eo hon anken ?
Hor pinijenn a zo kalet :
En an'Doue, hor zikouret !

DISKAN

Breudeur, kerent ha mignoned,
En an'Doue, hor zelaouet,
En an'Doue hor zikouret !

2 - A bep tu d'ezomp n'eus nemet tan,
Tan war c'horre ha tan dindan ;
C'houi hon eus-ni kement karet,
En an'Doue, hor zikouret !

3 - Sonjit en ho tad, en ho mamm,
Er purkator e-kreiz ar flamm :
Va uab, va merc'h, a ! selaouet...
En an'Doue hor zikouret !

4 - Ni n'hellomp dre hor pedennou
Distan na berraat hor poaniou,
Doue ouzomp ne zelaou ket :
En an'Doue, hor zikouret !

C 2024.
ADOROMP HOLL

1 - Adoromp holl e sakramant an Aoter
 Eun Doue kuzet, Jezuz hor mestr, hor zalver.
 Sperejou evurus, prinsed eus he balez,
 Gant karantez ardant meulit-hen ca'jamez.

2 - Gwir Bab Doue, svicomp holl inkemst,
 An nenv, ar mor an douar c'h eus krouet.
 Deut, va Zalven Jezuz, eus an aoter, ha trôn
 Da rei brema d'leomp holl ho penedikson.

3 - Henor ha gloar gant karantez eternel
 D'an Tac, d'ar Mal, vive d'ar Spered Santel.
 Meulomp hag adoromp tri farson e Doue
 Epad an holl amzer hag en eternite.

oooooooooooo
